


## Ихлос маъносидаги оятлар | Тазкия дарслари (257-дарс)

**ТАЗКИЯ**  
257-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



19:00 / 25.11.2023 2934

Баъзи бир ояти карималарда «тақво» сўзи «ихлос» маъносини англатади. Тавба сурасидаги қуйидаги ояти карималарда Аллоҳ таоло бундай деб марҳамат қилади:

بَيْنَ وَتَفَرِّقًا وَكُفْرًا ضِرَارًا مَسْجِدًا اتَّخَذُوا وَالَّذِينَ

قَبْلُ مِنْ وَرَسُولِهِ، اللَّهُ حَارِبُ لِمَنْ وَإِرْصَادًا الْمُؤْمِنِينَ

لَكٰذِبُوْنَ اِنَّهُمْ يَشْهَدُوْنَ بِاللّٰهِ الْحُسَيْنِ اِلَّا اَرَدْنَا اِنْ وَلِيَحْلِفُنَّ ۝۱۰۷

اَحَقُّ يَوْمِ اَوَّلٍ مِّنَ التَّقْوٰى عَلٰى اُسِّسَ لِمَسْجِدٍ اَبَدًا فِيْهِ نَقْمٌ لَا

يُحِبُّ وَاللّٰهُ يَنْظُرُوْا اَنْ يُحِبُّوْنَ رِجَالٌ فِيْهِ فِيْهِ تَقُوْمَ اَنْ

اَلْمُطَهَّرِيْنَ ۝۱۰۸

**Зарар етказиш, куфр, мўминлар орасига тафриқа солиш ва илгари Аллоҳга ва Унинг Расулига уруш очган кимсани кутиб олиш учун масжид қурганлар ҳам бор. Улар: «Биз, албатта, яхшиликдан бошқани ирода қилганимиз йўқ», деб қасам ичарлар. Аллоҳ гувоҳлик берадики, улар, албатта, ёлғончилардир. Унда (масжидда) ҳеч қачон турма! Албатта, биринчи кундан тақво асосида қурилган масжид унда туришинг учун ҳақлидир. Унда покланишни севадиган кишилар бор. Аллоҳ эса покланувчиларни севади» (107-108-оятлар).**

Исломга зиён етказиш, куфрга хизмат қилиш, мўминлар орасига тафриқа солиш, Аллоҳга ва Унинг Расулига қарши урушадиганларнинг кузатув жойи қилиш ниятида қурилган масжидда намоз ўқиш ҳеч қачон Расулуллоҳ соллаллоҳу алайҳи васаллам ва мўминларга тўғри келмайди. Уларга энг лойиқ жой бор. Бу Масжидул Зирорнинг ёнгинасидаги дунёда биринчи

бўлиб Набий соллаллоҳу алайҳи васаллам томонларидан тақво асосида қурилган Қубо масжидидир.

**«Унда покланишни севадиган кишилар бор».**

Гуноҳлардан пок бўлиш учун намоз ўқиётган, тиловат, зикр қилаётган, эътикоф ўтирган кишилар бор.

**«Аллоҳ эса покланувчиларни севади».**

Албатта, улар билан буларнинг орасида фарқ осмон билан ерча. Буни тушуниб етиш керак.

***«Руҳий тарбия» китобининг 2-жузи асосида тайёрланди***

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хулосаси асосида чоп этилган.